

IZBORNA KOMISIJA BOSNE I HERCEGOVINE
SLUŽBA ZA REVIZIJU FINANSIJSKOG POSLOVANJA
U IZBORNOJ KOMISIJI BOSNE I HERCEGOVINE

Na osnovu člana 14. stav 1. Zakona o finansiranju političkih stranaka («Službeni glasnik BiH» broj 22/00) i člana 24. Pravilnika o godišnjim finansijskim izvještajima političkih stranaka («Službeni glasnik BiH» broj 10/04) izdajem

IZVJEŠTAJ O REVIZIJI
GODIŠNJEG FINANSIJSKOG IZVJEŠTAJA ZA 2004. GODINU I
POSTIZBORNOG FINANSIJSKOG IZVJEŠTAJA
GRADANSKE DEMOKRATSKE STRANKE BOSNE I HERCEGOVINE

Broj: 09-07-6-1570-1/05

Sarajevo, novembar 2005. godine

SADRŽAJ:

1. UVOD.....	3
2. MIŠLJENJE.....	3
3. PREDSTAVLJANJE POLITIČKE STRANKE.....	4
4. OPIS REVIZIJE.....	4
5. PRETHODNE REVIZIJE.....	4
6. ZAKONSKE OBAVEZE.....	5
7. NALAZ.....	6

1. UVOD

Izvršili smo reviziju finansijskih izvještaja Građanske demokratske stranke Bosne i Hercegovine i to: godišnjeg finansijskog izvještaja za 2004. godinu i finansijskog izvještaja za period od dana podnošenja prijave za ovjeru za izbore do dana ovjere rezultata opštinskih izbora održanih u oktobru 2004. godine.

Revizija je preduzeta u skladu sa članom 14. stav 1. Zakona o finansiranju političkih stranaka i članom 24. Pravilnika o godišnjim finansijskim izvještajima političkih stranaka u periodu od 15.06. do 16.06.2005.godine.

Zbog činjenice da se revizija obavlja provjerama na bazi uzorka i da postoje inherentna ograničenja u računovodstvenom sistemu i sistemu internih kontrola, postoji mogućnost da pojedine materijalno značajne greške ne budu otkrivene.

2. MIŠLJENJE

Na osnovu nalaza, do kojih smo došli u toku obavljanja revizije, izražavamo mišljenje da je Građanska demokratska stranka Bosne i Hercegovine u izvještajnom periodu postupala suprotno sljedećim odredbama Zakona o finansiranju političkih stranaka:

1. **član 3. stav 4.** - Godišnji prihod partije od imovine u vlasništvu političke stranke ne smije premašiti 20% iznosa ukupnog godišnjeg prihoda stranke. U roku od 30 dana nakon podošenja finansijskog izvještaja u skladu sa članom 11., prihod koji je veći od navedenih 20% stranka daje u dobrotvorne svrhe jednoj ili više organizacija koje se bave dobrotvornim radom. (detaljnije na str.6)
2. **član 6.** – Ako ukupni iznos priloga jednog pravnog ili fizičkog lica premašuje 100 KM, ta uplata mora da se unese u finansijski izvještaj u skladu sa članom 11. (detalji na str.7)
3. **član 11. stav 1.** - Političke stranke vode evidenciju o svojim prihodima i rashodima. Politička stranka je dužna da Izornoj komisiji Bosne i Hercegovine podnese finansijski Izvještaj za svaku kalendarsku godinu.(detalji na str.7, 8 i 9)
4. **član 11. stav 3.** - Do 31.03. naredne godine političke stranke podnose finansijski izvještaj u formi koju odobri Izborna komisija Bosne i Hercegovine. Ovaj izvještaj sadrži podatke utvrđene Izbornim zakonom. Izborna komisija Bosne i Hercegovine donosi propise za provođenje odredbi kojima se bliže utvrđuju sadržaj, forma, način i drugi detalji izvještavanja.(detalji na str.7, 8 i 9)

Tokom obavljanja revizije finansijskih izvještaja Građanske demokratske stranke BiH uočili smo sljedeće nedostatke:

- da se za potrebe blagajne sredstva često podižu sa transakcijskog računa i većina obaveza izmiruje putem blagajne;
- da je stranka otpis potraživanja prikazala kao trošak koji je plaćen u toku perioda, iako stvarnog odliva sredstava nije bilo;
- da je izvršen otpis obaveza prema dobavljačima u toku godine. Navedena transakcija bi se mogla okarakterisati kao prilog pravnih lica iz ranijeg perioda;
- da je saradnja glavnog odbora i opštinskih odbora loša, i da kao rezultat takve saradnje opštinski odbori ne dostavljaju izvještaje glavnom odboru stranke radi konsolidovanja podataka.

3. PREDSTAVLJANJE POLITIČKE STRANKE

Naziv političke stranke: Građanska demokratska stranka Bosne i Hercegovine. Skraćeni naziv stranke je GDS.

GDS je registrovana dana 20.07.1990. godine na Višem sudu u Sarajevu pod brojem RP-I-7/02, veza R-I-14/90. Sjedište političke stranke je u Sarajevu, ulica Titova 9a.

Za zastupanje stranke ovlašten je Ibrahim Spahić, predsjednik stranke.

Lice ovlašteno za podnošenje finansijskih izvještaja je Ahmed Halilović.

Organizacionu strukturu GDS-a čine:

- Glavni odbor GDS, sa sjedištem u Sarajevu
- 7 kantonalnih vijeća
- 2 regionalna odbora
- 39 opštinskih odbora

4. OPIS REVIZIJE

Predmet revizije su godišnji finansijski izvještaj GDS za 2004. godinu kao i finansijski izvještaj za period od dana podnošenja prijave za ovjeru za izbore do dana ovjere rezultata lokalnih izbora 2004. godine i to slijedećih organizacionih dijelova:

- Glavnog odbora GDS;
- Opštinskog odbora GDS Zenica;
- Opštinskog odbora GDS Konjic;
- Opštinskog odbora GDS Ilijaš;

Cilj revizije je da revizoru omogući da izrazi mišljenje o tome da li je GDS u izvještajnom periodu postupala u skladu sa odredbama Zakona o finansiranju političkih stranaka.

Obim revizije finansijskih izvještaja GDS obuhvata utvrđivanje usklađenosti finansijskih transakcija političke stranke sa odredbama Zakona o finansiranju političkih stranaka, odnosno usklađenosti izvora finansiranja i načina trošenja sredstava, sa posebnim naglaskom na prihode iz budžeta, priloge fizičkih i pravnih lica, prihode od imovine i troškove izborne kampanje.

5. PRETHODNE REVIZIJE

Revizija finansijskih izvještaja GDS obavlja se prvi put pa je neophodno povećati obim revizijskih postupaka.

6. ZAKONSKE OBAVEZE

U skladu sa odredbama Zakona o finansiranju političkih stranaka obaveze su GDS-a:

- a) da sredstva za svoj rad pribavi u skladu sa zakonom (član 3. stav 1);
- b) da može imati u svom vlasništvu samo preduzeće koje se bavi kulturom ili izdavačkom djelatnošću (član 3. stav 2);
- c) da godišnji prihod od imovine stranke i prihod od preduzeća u vlasništvu stranke ne smije premašiti 20% iznosa ukupnog godišnjeg prihoda stranke. U roku od 30 dana nakon podnošenja finansijskog izvještaja u skladu sa članom 11., prihod koji prelazi navedenih 20%, stranka daje u dobrotvorne svrhe jednoj ili više organizacija koje se bave dobrotvornim radom (član 3. stav 4.);
- d) da ukupan iznos jednokratnog priloga pravnih i fizičkih lica ne smije premašiti osam (8) prosječnih neto plaća prema službenim podacima Agencije za statistiku Bosne i Hercegovine u jednoj kalendarskoj godini i da se ne smije dodjeljivati više od jednom godišnje (član 5. stav 1.);
- e) da prijavi pojedinačne priloge pravnih i fizičkih lica čiji ukupni iznos premašuje 100 KM (član 6.);
- f) da ne prima zabranjene priloge (član 8.);
- g) da Izornoj komisiji Bosne i Hercegovine podnosi finansijske izvještaje (član 11. stav 1., stav 2., i stav 3.) na obrascima koje je odobrila IK BiH;
- h) da na vrijeme prijavi bilo kakvu promjenu statusa ovlaštene osobe koja je odgovorna za podnošenje izvještaja i vođenje knjiga (član 12. stav 2.);
- i) da, na zahtjev IK BiH, dostavi odgovore na pitanja u pisanom obliku (član 13. stav 1.);
- j) da, u slučaju potrebe za detaljnijim finansijskim pregledom, revizorima službe za reviziju omogući pristup prostorijama stranke (član 14. stav 7.);
- k) da dostave podatke o svojoj imovini (član 20.).

7. NALAZ

a) Na osnovu obavljene revizije u izabranim organizacionim dijelovima stranke, utvrdili smo da nije bilo kršenja odredbi člana 3. stav 1. Zakona o finansiranju političkih stranaka.

U izvještajnom periodu od 01.01.2004. godine do 31.12.2004. godine GDS je prikazala slijedeće prihode:

UKUPAN PRIHOD:	121.755,00 KM
Članarina	721,00 KM
Prihodi političke stranke od imovine	53.235,00 KM
Prihodi iz budžeta	52.399,00 KM
Ostali prihodi	15.400,00 KM

GDS je sredstva za svoj rad pribavila u skladu sa zakonom.

b) Na osnovu obavljene revizije u izabranim organizacionim dijelovima stranke, utvrdili smo da GDS nije prekršio odredbe člana 3. stav 2. Zakona o finansiranju političkih stranaka jer u svom vlasništvu nema preduzeća.

c) Stranka je prekršila odredbe člana 3. stav 4. Zakona o finansiranju političkih stranaka.

U izvještajnom periodu GDS je prikazao prihode od imovine političke stranke, po osnovu izdavanja poslovnih prostora.

GDS je sklopio sljedeće ugovore:

Naziv kupca	Adresa zakupljenog prostora	kvadratura (m2)	iznos mjesečne zakupnine	godišnja zakupnina
U SARAJEVU				
BIHUSS	Titova 9a/5	14	300,00	3.600,00
Federalno ministarstvo prostornog uređenja	Titova 9a/5	18	300,00	3.600,00
Kaligraf	Hasana Kikića 8a	154	1.000,00	12.000,00
Crveni križ F BiH	Titova 9a/5	80	2.000,00	24.000,00
Crveni križ F BiH	Titova 9a/5	16	400,00	4.800,00
U ZAVIDOVIĆIMA				
RTV FBiH	dr. Pinkasa Banta	14	150,00	1.800,00

Gradanska demokratska stranka BiH je ostvarila prihode od izdavanja poslovnih prostorija:

1. Bihuss	800,00 KM
2. Fed.min.prostornog uređenja	2.550,00 KM
3. Kaligraf	12.000,00 KM
4. Crveni križ F BiH	19.200,00 KM
5. Crveni križ F BiH	8.240,00 KM
UKUPNO Glavni odbor:	42.790,00 KM
6. RTV BiH u Zavidovićima	1.750,00 KM
UKUPNO GDS BiH :	44.540,00 KM

- Glavni odbor stranke ostvario prihod od imovine u iznosu od 42.790,00 KM, a na izvještaju je prikazan iznos od 51.485,00 KM.

Pregledom knjigovodstvenih evidencija utvrđeno je da je GDS BiH u prihode od imovine uvrstio porez na promet usluga, ostale prihode i prihode od kamate.

- Opštinski odbor Zenica ostvario je prihod u iznosu od 1.750,00 KM.

Obzirom da je ukupno ostvareni prihod GDS-a u izvještajnom periodu iznosio 121.755,00 KM zaključili smo da je prihod od imovine u vlasništvu političke stranke u izvještajnom periodu iznosio 44.540,00 KM, odnosno 36,58 % ukupno ostvarenog prihoda.

Član 3. stav 4. Zakona propisuje obavezu političkim strankama čiji prihod od imovine prelazi 20% ukupno ostvarenog prihoda da u roku od 30 dana od dana podnošenja finansijskog izvještaja prihod koji prelazi navedenih 20% daje u dobrotvorne svrhe

Kako je 20% ukupno ostvarenog prihoda stranke 24.351,00 KM, stranka je bila dužna dati u dobrotvorne svrhe 20.189,00 KM.

GDS je dao dobrotvorne priloge u vidu školskog pribora izbjegličkom centru u Starom Ilijašu u iznosu od 680,00 KM, što je isplaćeno putem blagajne 30.06.2005.godine.

Kada od 20.189,00 KM koliko je stranka dužna dati u dobrotvorne svrhe, oduzmemo iznos od 680,00 KM dolazimo do zaključka da preostali iznos prihoda od imovine u visini od 19.509,00 KM GDS nije dao u dobrotvorne svrhe, čime je **prekršio odredbe člana 3. stav 4. Zakona o finansiranju političkih stranaka.**

Služba za reviziju finansijskog poslovanja u Izornoj komisiji BiH sugeriše GDS-u BiH da uskladi finansiranje sa članom 3. stav 4. Zakona o finansiranju političkih stranaka, odnosno da prihode po osnovu imovine u vlasništvu političke stranke, čiji je iznos veći od 20% ukupnog prihoda stranke, da u dobrotvorne svrhe u roku od 30 dana nakon podnošenja finansijskog izvještaja.

d) Na osnovu obavljene revizije u izabranim organizacionim dijelovima stranke, utvrdili smo da GDS BiH nije prekršila odredbe člana 5. stav 1. Zakona o finansiranju političkih stranaka.

e) Stranka je **prekršila odredbe člana 6. Zakona o finansiranju političkih stranaka.**

Pregledom izvoda transakcijskog računa Glavnog odbora GDS-a (broj: 1610000024610075 otvorenog u Raiffeisen banci Sarajevo), utvrdili smo da je mikrokreditna organizacija Lok Micro, Sarajevo, Skenderija 13, uplatila na račun Glavnog odbora GDS-a iznos u visini od 2.000,00 KM na ime jednokratne finansijske pomoći za program zapošljavanja i radno aktivnog zbrinjavanja mladih.

Navedeni iznos nije iskazan u finansijskom izvještaju na obrascu 3b, već na zbirnom obrascu prihoda (obrazac 3).

Na izvodima transakcijskog računa u Raiffeisen banci Sarajevo je naveden naziv GDS, Kantonalno vijeće Sarajevo, a isti je na obrascu 1-1 prikazan kao račun glavnog odbora GDS.

Sugerišemo GDS-u BiH da prilikom izrade finansijskih izvještaja vodi računa o pravilnom raspoređivanju prihoda po vrstama prihoda, te da priloge čiji iznos prelazi 100 KM pravilno unese na propisani obrazac.

f) Na osnovu obavljene revizije u izabranim organizacionim dijelovima stranke, smatramo da Građanska demokratska stranka BiH nije postupala suprotno odredbama člana 8. Zakona o finansiranju političkih stranaka, odnosno nije primala zabranjene priloge.

g) Stranka je prekršila član 11. stav 1., stav 2. i stav 3. Zakona o finansiranju političkih stranaka.

GDS je godišnji finansijski izvještaj za 2004. godinu i izvještaj za period od dana podnošenja prijave za ovjeru za izbore do dana ovjere rezultata lokalnih izbora 2004. godine dostavila dana 18.04.2005.godine.

GDS nije navela u finansijskom izvještaju podatke koje je članom 11. stav 1., stav 2., i stav 3, Zakona o finansiranju političkih stranaka, Pravilnikom o godišnjim finansijskim izvještajima političkih stranaka i Pravilnikom o finansijskim izvještajima političkih subjekata koji učestvuju na izborima, dužna dostaviti Izornoj komisiji BiH na propisanim obrascima.

Utvrđeni su slijedeći nedostaci:

1. U finansijskom izvještaju za 2004.godinu i izvještaju za period od dana podnošenja prijave za ovjeru za izbore do dana ovjere rezultata opštinskih izbora 2004. godine GDS nije dostavila obrazac broj 1. Stoga smo tokom revizije koristili podatke iz godišnjeg finansijskog izvještaja za 2003.godinu.

Provjerom opštih podataka o GDS-u ustanovili smo da je u finansijskom izvještaju za 2003.godinu navedeno da politička stranka ima 3 stalno uposlene osobe, a pregledom dokumentacije iz segmenta radno-pravnog statusa uposlenih utvrđeno je da GDS ima 4 stalno uposlena radnika.

U slučaju izmjene nekog od opštih podataka politička stranka je bila dužna dostaviti novi obrazac broj 1 sa izmjenjenim podacima.

2. GDS nije dostavila obrazac broj 1-1 u predmetnim izvještajima. Tokom revizije koristili smo podatke navedene u godišnjem finansijskom izvještaju GDS-a za 2003. godinu.

Utvrđeno je da je na obrascu broj 1-1 GDS navela da ima 12 opštinskih odbora i to onih koji imaju otvorene transakcijske račune.

U toku obavljanja revizije smo utvrdili da stranka ima 39 opštinskih odbora, 7 kantonalnih vijeća i 2 regionalna odbora, što nije navedeno niti u jednom izvještaju. Politička stranka je bila dužna dostaviti potpune podatke.

Služba za reviziju finansijskog poslovanja u Izornoj komisiji BiH sugeriše stranci da prilikom izrade finansijskog izvještaja vodi računa o promjenama koje su se desile u izvještajnom periodu i da iste uključi u finansijski izvještaj. Članom 8. Pravilnika o godišnjim finansijskim izvještajima političkih stranaka je propisano da se obrazac broj 1. popunjava u momentu prvog finansijskog izvještaja ili u slučaju da je došlo do izmjena nekih od podataka.

Naglašavamo da se na obrazac 1-1 unose podaci za sve nivoe organizovanja, a u skladu sa članom 9. Pravilnika o godišnjim finansijskim izvještajima.

3. Pregledom izvoda transakcijskih računa OO Konjic (račun broj: 1020080000053369, otvoren u Union banci dd Sarajevo-Konjic) utvrdili smo da su ukupne uplate iz budžeta opštine Konjic u toku 2004. godine iznosile 3.600,00 KM, a u izvještaju je prikazano 1.500,00 KM, odnosno, manje za 2.100,00 KM. Samim tim ni promet transakcijskog računa broj: 1020080000053369 u finansijskom izvještaju nije tačno prikazan.

3.1. Na osnovu indicija da stranka nije prikazala sve prihode iz budžeta, izvršili smo kontrolu prikazanih prihoda iz budžeta na nivou stranke.

Nivo vlasti:	Iznos:
Federacija BiH	39.474,00 KM
Opština Hadžići	3.300,00 KM
Opština Breza	1.360,00 KM
Opština Ilijaš	3.010,00 KM
Opština Konjic	1.500,00 KM
Opština Jablanica	3.300,00 KM
Opština Doboj Istok	320,00 KM
UKUPNO:	52.264,00 KM

Upoređivanjem podataka iz izveštaja (obrazac 3-f, u kojem se na nivou stranke iskazuju prihodi ostvareni iz budžeta) sa podacima koje smo dobili iz opština, utvrdili smo da je politička stranka prikazala prihode iz budžeta manjim od stvarnog stanja, kako slijedi:

-U izvještaju je navedeno da je **opština Hadžići** tokom 2004. godine izvršila uplate za GDS u ukupnom iznosu od 3.300,00 KM a prema podacima opštine Hadžići (akt br. 04/2-14.11-3240/05 od 11.03.2005.god.) vidljivo je da je na račun OO GDS Hadžići opština u 2004. godini uplatila 4.470,00 KM.

-U izvještaju je navedeno da je **opština Jablanica** tokom 2004. godine izvršila uplate za GDS u ukupnom iznosu od 3.300,00 KM a prema podacima opštine Jablanica (akt br. 01-07-306/05 od 11.03.2005.god.) vidljivo je da je GDS-u opština u 2004. godini uplatila 6.325,00 KM.

-U izvještaju GDS nije navela uplate iz **opštine Kladanj**. Prema podacima opštine (akt br.02-14-972/05 od 14.03.2005. god.) GDS-u je uplaćeno u 2004.godini 800,00 KM.

-U izvještaju GDS nije navela uplate iz **opštine Travnik**. Prema podacima opštine (akt.br.01-562/05 od 14.03.2005.god. i akt br. 01-1310/05 od 09.06.2005.god.) na transakcijski račun GDS-a broj: **1299011001162891** otvorenog kod Central profit banke DD Sarajevo - Travnik uplaćeno je 2.250,00 KM. Pregledom obrasca 2 (promet transakcijskih računa) utvrdili smo da **stranka nije prijavila navedeni transakcijski račun.**

GDS je u izvještajnom periodu prikazao prihode iz budžeta manjim za 9.345,00 KM od stvarnog stanja.

Obzirom na propuste u iskazivanju prihoda iz budžeta sugerišemo GDS-u BiH da prilikom izrade finansijskog izvještaja vodi računa o prilivu sredstva na račune opštinskih organizacija, te da iste uvrsti u obrazac 3-f. Članom 18. Pravilnika o godišnjim finansijskim izvještajima političkih stranaka je propisano da se obrazac 3-f (prihodi iz budžeta) popunjava na nivou političke stranke i u njemu se evidentiraju sva odobrena sredstva iz budžeta svih nivoa vlasti.

4. Glavni odbor GDS

Na obrascu broj 4-3 za period od 01.01.04. godine do 31.12.04. godine , otpis zastarjelih potraživanja u iznosu od 11.445,00 KM je iskazan kao trošak, odnosno kao da je plaćen , a radi se samo o otpisu potraživanja.

Na istom obrascu je naveden iznos od 5.168,00 KM za dnevnice i putne troškove. Na naš zahtjev da na uvid dobijemo putne naloge dobili smo odgovor da putnih naloga nema, da se dnevnice za službena putovanja ne isplaćuju, a da se kao troškovi putovanja priznaju i refundiraju samo troškovi goriva. U obrascu je navedene troškove trebalo prikazati kao troškove goriva, a ne kako je navedeno.

Ista nepravilnost utvrđena u godišnjem finansijskom izvještaju, utvrđena je i u postizbornom finansijskom izvještaju. Troškovi goriva u iznosu od 6.168,00 KM su prikazani kao putni troškovi.

Na osnovu uočenih nedostataka , sugerišemo GDS-u da definiše postupke i procedure internih kontrola vezanih za proces trošenja finansijskih sredstava.

5. OO Konjic

Na obrascu broj 4-2 za izvještajni period od 10.05.04. godine do 08.03.05. godine prikazan je iznos od 1.110,00 KM motela Konjic na ime troškova promocije. Na naš zahtjev da izvršimo uvid u fakturu dobili smo fakturu motela Konjic od 22.08.2004.godine na iznos od 720,00 KM a ne traženu fakturu.

Utvdili smo da je većina obaveza izmirivana putem blagajne.

6. OO Ilijaš

U finansijskim izvještajima (godišnji i postizborni) OO Ilijaš je iskazao samo režijsko-administrativne troškove.

Uočili smo da je u OO Ilijaš većina obaveza izmirivana putem blagajne.

Dokumentacija je uredna, te nije bilo kršenja člana 11. Zakona o finansiranju političkih stranaka.

h) Smatramo da je GDS BiH postupila u skladu sa odredbama člana 12. stav 2. Zakona o finansiranju političkih stranaka.

U izvještajnom periodu nije došlo do promjene osobe ovlaštene za podnošenje finansijskih izvještaja.

U godišnjem izvještaju iz 2003.godine je tačno navedeno ime ovlaštene osobe.

i) GDS BiH je postupila u skladu sa članom 13. stav 1. Zakona o finansiranju političkih stranaka.

Osoba ovlaštena za finansijske izvještaje je u izrazila visok stepen spremnosti na saradnju sa Službom za reviziju i na uvid nam je dostavila svu traženu dokumentaciju koju je bila u mogućnosti obezbijediti.

j) Građanska demokratska stranka Bosne i Hercegovine je postupila u skladu sa članom 14. tačka 7. Zakona o finansiranju političkih stranaka.

Reviziju smo obavili u prostorijama glavnog odbora stranke u Sarajevu dana 15. i 16.06.05. godine. Opštinski odbori su bili dužni da traženu dokumentaciju dostave u prostorije glavnog odbora stranke.

OO Zenica nije Službi za reviziju predočio dokumentaciju traženu na uvid (izvode transakcijskog računa, glavnu knjigu, knjigu blagajne, fakture i dr).

Dostavljen je samo listing iz banke na osnovu kojeg nije bilo moguće izvršiti reviziju finansijskog poslovanja opštinskog odbora Zenica, čime je **prekršen član 3. stav 2. Pravilnika o godišnjim finansijskim izvještajima političkih stranaka.**

Preporučujemo Glavnom odboru GDS –a da obezbijedi punu saradnju sa svim organizacionim dijelovima partije.

k) Stranka je postupila u skladu sa članom 20. Zakona o finansiranju političkih stranaka, odnosno dostavila je popis imovine dana 25.04.2005. godine.

Nermana Maksumić, V.D. šef Službe za reviziju

Maksumić Nermana

Sanja Čabrilo, revizor

Čabrilo Sanja

Voljenka Bašić, pomoćnik revizora

Bašić V.

Aneka Burdžović-Kapić, pomoćnik revizora

Burdžović Kapić Aneka